

# APRENDE COAS MULLERES GALEGAS

actividades



Ilustracións: Tania Solla  
Textos: Polo Correo do Vento

## EXERIA

(Vivió no século IV da nosa era.)

Naceu na provincia romana da Gallaecia, que comprendía a actual Galicia, o norte de Portugal ata o río Douro, parte de Asturias e a comarca do Bierzo.

Exeria realizou unha viaxe de tres anos de duración na que peregrinou ao Oriente Próximo; saíu de Galicia, percorreu o sur de Francia, atravesou o norte de Italia e cruzou en barco o mar Adriático para continuar a súa viaxe ata Constantinopla e finalizar este periplo entre Xerusalén e Alexandría.

Exeria reflectiu toda esta viaxe nun libro no que relata as súas aventuras. Este libro converterase no primeiro libro de viaxes escrito por unha galega.

A *Pax Romana*, un período sen conflitos bélicos dentro do Imperio Romano entre os anos 29 a. C. e 180 d.C, permitiu que unha cidadá como Exeria puidese viaxar dende Gallaecia ata Mesopotamia case sen impedimentos.

# MULLERES GALEGAS

viaxar

Ao longo do tempo as mulleres tiveron que superar diversas barreiras sociais e xurídicas para poder viaxar soas. Exeria foi unha pioneira, como tamén o foron as seguintes mulleres que realizaron expedicións e viaxes polo mundo sen ningún home que as acompañase.

Procura na rede información sobre estas mulleres e as viaxes que realizaron.

Ida Laura Pfeiffer

Federica Bremer

Lucy Atkinson

Isabela Bird

Eliza Scidmore

Sabías que un edificio administrativo da Universidade de Vigo leva o nome desta viaxeira galega?

E que a Xunta de Galicia lle deu o nome de Exeria a unha aplicación informática onde se facilita unha linguaxe NON SEXISTA?

# MULLERES GALEGAS

perspectiva

Na actividade anterior descubrimos mulleres viaxeiras por África, Asia ou América. A continuación, achegamos mulleres que viaxaron por Galicia hai moito tempo. Se pescudas nas súas biografías poderás coñecer a impresión que tiñan de nós.

Annette Mary

Budgett Meakin

Ruth Mathilda Anderson

Nina Epton

Dorothe Schubart

Se queres máis información sobre a visión de diferentes mulleres que coñeceron Galicia, podes entrar na seguinte ligazón do Consello da Cultura Galega

<http://consellodacultura.gal/album/viaxeiras-por-galicia.php>

Colorea o seguinte debuxo desta arqueóloga que está nunha escavación descubriendo obxectos da Gallaecia.

# MULLERES GALEGAS

colorea



Exeria realizou esta longa viaxe ao longo de tres anos. Se queres saber os lugares que visitou sinala no mapa as seguintes etapas polas que pasou.

# MULLERES GALEGAS

**sinala**



1. Saíu de Galicia.
2. Pasou polo sur de Francia.
3. Cruzou o mar Adriático.
4. Continuou ata Constantinopla (agora chámase Istambul)
5. Foi ata Xerusalén.
6. Continuou ata Alexandría.

Sinala os medios de transporte que empregou Exeria para a realización desta aventura.

Avión, cabalo, barco a motor, barca a vela, globo aerostático, a pé, foguete espacial, helicóptero, carro de bois, camelo, submarino.

Na súa obra *Itinerarium Egeriae* narra a viaxe que realizou ao Oriente Próximo entre os anos 381 e 384, polo que é considerada a primeira escritora hispana en lingua latina.

# MULLERES GALEGAS

escribir

Imaxina unha viaxe no tempo, na que visitas a túa cidade na época da civilización romana en Galicia. Como viviría a xente? Redacta como sería un día normal para unha nena de 12 anos nunha vila romana.



Comproba  
as túas  
actividades.

# MULLERES GALEGAS

**soluciona**

sinala

